

## Posjete Muftijstvu banjalučkom

12/10/2012 09:13 by Administrator

Delegacija od šest novinara HELSINGIN SANOMAT iz Republike Finske posjetila je 10. 10. 2012. godine Muftijstvo banjalučko. Delegaciju je primio muftija banjalučki Edhem ef. Ćemalović zajedno sa šefom projekta obnove Ferhadije dr. Muhamedom Hamidovićem i predsjednikom Medžlisa Islamske zajednice Banja Luka Kasimom Mujićem.

Tom prilikom, navedena delegacija, na gradilištu Ferhadije, detaljno je upoznata sa tokom obnove Ferhadije i specifičnostima koje zahtjeva projekat kakav je Ferhadija. Muftija je u svom kratkom obraćanju, pored zahvale na posjeti, nešto više kazao o značaju obnove Ferhadije s posebnim osvrtom na događaje koje je historija zabilježila, a koji su počeli iz Ferhadije, što ima veliki značaj na promoviranju dijaloga, otvorenosti, suživota i tolerancije, kako na ovim prostorima, tako i šire. Prof. dr. Muhamed Hamidović je također, pored zahvale na posjeti, navedenoj delegaciji govorio o načinu obnove, rekonstrukcije Ferhadije s posebnim akcentom da su pri obnovi stalno primjenjivani svjetski standardi i standardi koje zahtjeva UNESCO, uz stručna objašnjenja na licu mjesta. Glavni imam iz Dizeldorfa posjetio banjalučkog muftiju Glavni imam iz Dizeldorfa prof. Kemal ef. Crnac posjetio je 09. 10. 2012. godine banjalučkog muftiju Edhem ef. Ćemalović i predsjednika Medžlisa IZ-ce Banja Luka Kasima Mujić te u prisustvu glavnog imama Zejnil ef. Latifovića u Bosanskoj Gradini i novinara IIN Željko Preporoda i Bajram ef. Perve, uručio posljednju ratu ukupljenog novca za Ferhadiju, koji je sakupljao od vrijednih donatora. Ovim je zaokružio bojku od sto (100) darovatelja- prijatelja Ferhadije. Muftija i predsjednik su se najsrdačnije zahvalili uz molbu Svemogućem da Kemal ef. i darovatelje obilato nagradi. AMIN! Izvor vijesti: rijaset.ba